

სახელმწიფო შესყიდვის შესახებ

ხელშეკრულება N

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება ხელშეკრულების გაფორმების ეტაპზე
ქ. ბათუმი ----- 2022 წელი

ერთი მხრივ, აჭარის ავტონომიური რესპუბლიკის სოფლის მეურნეობის სამინისტრო (შემდგომში „შემსყიდველი“), წარმოდგენილი ----- სახით და მეორე მხრივ, ----- (შემდგომში „მიმწოდებელი“), წარმოდგენილი მისი ----- სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის და მიმწოდებლის (მისი დასახელება) სატენდერო წინადადების საფუძველზე, ელექტრონული ტენდერის საშუალებით აუქციონის გარეშე (NAT-----) მეთოდით ჩატარების შედეგად დებენ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც დამოწმებულია კვალიფიციური ელექტრონული ხელმოწერით/კვალიფიციური ელექტრონული შტამპით მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ - კალენდარული დღე, კვირა, თვე. თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, ვადის დამთავრების დღედ ჩაითვლება მისი მომდევნო პირველი სამუშაო დღე (ვალდებულებების შესრულების თვალსაზრისით, იმ შემთხვევაში, თუ მომდევნო პირველ სამუშაო დღეს ვალდებული მხარის მიერ არ იქნა შესრულებული ვალდებულება, დასვენების დღე ჩაითვლება ვალდებულების შესრულების ვადაგადაცილებად).

1.4. „შემსყიდველი“ - ორგანიზაცია, რომელიც ახორციელებს შესყიდვას.

1.5. „მიმწოდებელი“ - პირი, რომელიც ახორციელებს სამუშაოების შესრულებას ხელშეკრულების ფარგლებში.

1.6. „სარეკონსტრუქციო სამუშაო“ - ხელშეკრულების მე-2 მუხლით გათვალისწინებული ხელშეკრულების საგანი.

1.7. „ხარჯთაღრიცხვა“ - მიმწოდებლის მიერ ელექტრონული ტენდერის ფარგლებში წარმოდგენილი „ხარჯთაღრიცხვა“.

1.8. „გეგმა-გრაფიკი“ - მიმწოდებლის მიერ ხელშეკრულების 6.3 პუნქტით განსაზღვრული წესით წარმოდგენილი „გეგმა-გრაფიკი“.

1.9. „ტექნიკური ზედამხედველი“ - სარეკონსტრუქციო სამუშაოებზე ტექნიკური ზედამხედველობის განმახორციელებელი პირ(ებ)ი.

2. ხელშეკრულების საგანი

2.1. ხელშეკრულების საგანია - სამინისტროს 2022 წლის პროგრამის "სამელიორაციო სისტემების რეკონსტრუქცია" ფარგლებში ხულოს მუნიციპალიტეტის სოფელ დიაკონიძეების (ს/კ 23.00.084) სარწყავი არხის კმ0+000-კმ3+465 და ხულოს მუნიციპალიტეტის სოფელ ბეგოშვილების (ს/კ 23.00.088) სარწყავი არხის კმ0+000-კმ2+806 (სიგრძით -2.806 კმ) სარეკონსტრუქციო სამუშაოების (შემდგომში - „სამუშაო“), (CPV კოდი 45200000, 45247000) ელექტრონული ტენდერის საშუალებით აუქციონის გარეშე მეთოდით შესყიდვა.

2.2. მიმწოდებელი ვალდებულია სამუშაოები განახორციელოს წინამდებარე ხელშეკრულებითა და საპროექტო-სახარჯთაღრიცხვო დოკუმენტაციით განსაზღვრული პირობების შესაბამისად.

2.3. დაფინანსების წყარო - 2022 წლის აჭარის ავტონომიური რესპუბლიკის რესპუბლიკური ბიუჯეტი.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს ----- (-----) ლარს, დღგ-ს ჩათვლით.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებულ სამუშაოების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს.

4. ანგარიშსწორების წესი

4.1. ანგარიშსწორება განხორციელდება უნაღდო ანგარიშსწორების ფორმით. ანგარიშსწორება განხორციელდება ხელშეკრულებაში მითითებულ მიმწოდებლის საბანკო ანგარიშზე.

4.2. ანგარიშსწორება განხორციელდება ლარში.

4.3. მიმწოდებელი ვალდებულია ანგარიშსწორებისას წარმოადგინოს:

4.3.1. ეტაპობრივი ანგარიშსწორება განხორციელდება გეგმა-გრაფიკის ეტაპით გათვალისწინებული შესრულებულ სამუშაოებზე ტექნიკური ზედამხედველის მიერ დამოწმებული შესრულებული სამუშაოების აქტი - ფორმა #2-ის, შესრულებული სამუშაოების დადასტურებული საგადასახადო ანგარიშ-ფაქტურის, შემსყიდველსა (მინისტრის ბრძანებით განსაზღვრული ხელშეკრულების შესრულების კონტროლის განმახორციელებელი ჯგუფი) და მიმწოდებელს შორის შესრულებულ სამუშაოებზე გაფორმებული შესაბამისი მიღება-ჩაბარების აქტის საფუძველზე, ანაზღაურების სერტიფიკატი - ფორმა #3 - ის გაფორმებიდან არაუგვიანეს 10 (ათი) სამუშაო დღის ვადაში.

4.3.2. საბოლოო ანგარიშსწორება მიმწოდებელთან განხორციელდება გეგმა-გრაფიკით გათვალისწინებული შესრულებულ სამუშაოებზე ტექნიკური ზედამხედველის მიერ დამოწმებული შესრულებული სამუშაოების აქტი - ფორმა #2-ის, შესრულებული სამუშაოების დადასტურებული საგადასახადო ანგარიშ-ფაქტურის, შესრულებული სამუშაოების მოცულობის ხარისხის და ელექტრონული ტენდერის ეტაპზე სატენდერო წინადადებით წარმოდგენილი საპროექტო-სახარჯთაღრიცხვო დოკუმენტაციასთან შესაბამისობაზე ექსპერტიზის დადებითი დასკვნის, რომელიც გაცემული უნდა იყოს სსიპ - „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა უფლებამოსილი/აკრედიტირებული პირის მიერ (იმ შემთხვევაში, თუ დასკვნის გამცემი ორგანო არ იქნება სსიპ - „ლევან სამხარაულის სახელობის სასამართლო ექსპერტიზის ეროვნული ბიურო“, მიმწოდებელმა დამატებით უნდა წარმოადგინოს დასკვნის გამცემი პირის უფლებამოსილების/აკრედიტაციის დამადასტურებელი დოკუმენტის ასლი (უფლებამოსილების/აკრედიტაციის სფერო უნდა ფარავდეს მოთხოვნილ მომსახურებას), შემსყიდველსა (მინისტრის ბრძანებით განსაზღვრული ხელშეკრულების შესრულების კონტროლის განმახორციელებელი ჯგუფი) და მიმწოდებელს შორის შესრულებულ სამუშაოებზე გაფორმებული შესაბამისი საბოლოო მიღება-ჩაბარების აქტის საფუძველზე, ანაზღაურების სერტიფიკატი - ფორმა #3 - ის გაფორმებიდან არაუგვიანეს 10 (ათი) სამუშაო დღის ვადაში.

4.3.4. გეგმა-გრაფიკის პირველ ეტაპზე გათვალისწინებულ სამუშაოებზე მეტი სამუშაოების შესრულების შემთხვევაში მიმწოდებელთან ანგარიშსწორება განხორციელდება ფაქტობრივად შესრულებული და წარმოდგენილი შესაბამისი დოკუმენტების მიხედვით.

4.4. ხარჯთაღრიცხვით გათვალისწინებული სამუშაოებისათვის განსაზღვრული თანხა გამოიყენება, მხოლოდ სამუშაოს შესრულების პროცესში დამატებით ჩასატარებელი სამუშაოების შესასრულებლად, შესაბამისი მოტივირებული მომართვის საფუძველზე, შემსყიდველთან წერილობით შეთანხმებით.

4.5. მიმწოდებელი ვალდებულია სამუშაოთა ეტაპების გეგმა-გრაფიკით გათვალისწინებული სამშენებლო სამუშაოს მიწოდების ვადების დარღვევის შემთხვევაში დარიცხული პირგასამტეხლოს თანხა (ასეთის არსებობის შემთხვევაში) პირგასამტეხლოს დარიცხვის შესახებ შეტყობინების მიღებიდან 3 (სამი) სამუშაო დღის ვადაში ჩარიცხოს შეტყობინებაში მითითებულ ბიუჯეტის შესაბამის ანგარიშზე და წარუდგინოს შემსყიდველს აღნიშნულის დამადასტურებელი დოკუმენტი (საგადახდო დავალების დედანი ან ბანკის მიერ დამოწმებული ასლი), წინააღმდეგ შემთხვევაში შემსყიდველი უფლებამოსილია, ხელშეკრულებით გათვალისწინებული პირობების დარღვევის გამო დაკისრებული ჯარიმა ან/და პირგასამტეხლო (ასეთის არსებობის შემთხვევაში) დაუკავოს (გამოუქვითოს) მიმწოდებელს ასანაზღაურებელი თანხიდან და გადარიცხოს ბიუჯეტის შესაბამის ანგარიშზე.

5. შესრულებული სამუშაოს შესაბამისობა

5.1. ხელშეკრულების მე-2 პუნქტით გათვალისწინებული სარეკონსტრუქციო სამუშაოები უნდა შესრულდეს ჯეროვნად საპროექტო დოკუმენტაციის, ტექნიკური პირობების, ასევე საქართველოში მოქმედი ყველა საჭირო სამშენებლო ნორმების, სტანდარტებისა და წესების მოთხოვნების დაცვით და წინამდებარე ხელშეკრულების პირობების შესაბამისად.

5.2. წინამდებარე ხელშეკრულების 5.1. ქვეპუნქტში აღნიშნული ნორმების, სტანდარტებისა და წესებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

5.3. სარეკონსტრუქციო სამუშაოების პროცესში გამოყენებული ყველა მასალა-მოწყობილობა უნდა იყოს მაღალი ხარისხის, რაზედაც ტექნიკური ზედამხედველი ვალდებულია მოითხოვოს საპროექტო-სახარჯთაღრიცხვო დოკუმენტაციაში მითითებული მასალების მახასიათებლების შესაბამისობის დამადასტურებელი დოკუმენტ(ებ)ი (სერტიფიკატ(ებ)ი), რაზედაც ტექნიკურ ზედამხედველს უფლება აქვს სარეკონსტრუქციო სამუშაოების ნებისმიერ ეტაპზე შეამოწმოს გამოყენებული მასალებისა და შესრულებულ სამუშაოთა შესრულების ხარისხი. იმ შემთხვევაში, თუ ხარისხი არ აღმოჩნდება სამშენებლო ნორმებისა და სტანდარტების შესაბამისი, შემსყიდველი, ტექნიკური ზედამხედველის წერილობითი მიმართვის საფუძველზე, უფლებამოსილია შეაჩეროს სამუშაოების წარმოება და აკრძალოს შეუსაბამო მასალების გამოყენება. ტექნიკური ზედამხედველის მიერ მასალის დაწუნების შემთხვევაში წუნდებული მასალის გამოყენება სარეკონსტრუქციო სამუშაოებისთვის დაუშვებელია. იმ შემთხვევაში, თუ მიმწოდებლის მიერ შესრულებული სარეკონსტრუქციო სამუშაოები არ იქნება წინამდებარე ხელშეკრულების პირობებთან შესაბამისობაში, მიმწოდებელი ვალდებულია გამოსაწეროს სამუშაოს შესრულების მომენტში დაშვებული ხარვეზები (მ.შ. შეცვალოს გამოყენებული მასალა) საკუთარი ხარჯებით.

5.4. სახელშეკრულებო ობიექტზე მიმწოდებელმა უნდა აწარმოოს სამუშაოთა წარმოების ჟურნალი, სადაც ყოველდღიურად უნდა ჩაიწეროს დღიური შესრულებული სამუშაოების მოცულობა, შემსრულებელი პერსონალის მონაცემები, ხარისხის დაცვის პროცედურები და სხვა. ასევე, აღნიშნულ ჟურნალში ტექნიკური ზედამხედველი აფიქსირებს თავის შენიშვნებსა და რეკომენდაციებს სარეკონსტრუქციო სამუშაოების წარმოების შესახებ. ამასთან, ჟურნალში ჩაიწერება განსაკუთრებული დავალებები, აღმოჩენილი დეფექტები და მათი აღმოფხვრის ვადები. მიმწოდებელმა უნდა აწარმოოს ყველა საშემსრულებლო ტექნიკური დოკუმენტაცია, რომელიც განსაზღვრულია მოქმედი სამშენებლო ნორმებით და სტანდარტებით ობიექტის მოვლა-შენახვის სპეციფიკის გათვალისწინებით.

5.5. ფარული სამუშაოების წარმოების შემთხვევაში მიმწოდებელი ვალდებულია შეადგინოს ფარული სამუშაოების დამადასტურებელი წერილობითი აქტები. ფარული სამუშაოები წარმოებული უნდა იქნას ტექნიკურ ზედამხედველობის განმახორციელებელი პი(ებ)ის ზედამხედველობით, აქტი დამოწმებული უნდა იყოს, როგორც მიმწოდებლის, ასევე ტექნიკური ზედამხედველის მიერ.

6. სამუშაოს შესრულების ვადები და მიღება-ჩაბარების წესი

6.1. შესრულებული სამუშაოს შესაბამისი ეტაპის მიღება-ჩაბარება ხორციელდება ამ ხელშეკრულების 2.1. ქვეპუნქტში აღნიშნულ ადგილზე, შესაბამისი მიღება-ჩაბარების აქტის გაფორმებით.

6.2. მიმწოდებელი ვალდებულია სარეკონსტრუქციო სამუშაოები დაიწყოს შემსყიდველის წერილობითი შეტყობინებიდან არაუმეტეს 5 კალენდარული დღის განმავლობაში. მიმწოდებელი ვალდებულია სამუშაოს დაწყების დღის შესახებ წერილობით აცნობოს შემსყიდველს. ასევე მიმწოდებელი ვალდებულია სამუშაოების დაწყების შესახებ წერილის მიღების დღიდან არაუგვიანეს 5 კალენდარულ დღეში შემსყიდველის წარმომადგენლის, სარეკონსტრუქციო სამუშაოებზე ტექნიკური ზედამხედველისა და საპროექტო-სახარჯთაღრიცხვო დოკუმენტაციის შემდგენი ორგანიზაციის წარმომადგენლებთან ერთად უზრუნველყოს საპროექტო-სახარჯთაღრიცხვო დოკუმენტაციის შესაბამისად მონაკვეთებზე (ნატურაში)

პიკეტების აღმნიშვნელი სამიჯნე ნიშნების და საინფორმაციო დაფის გაადგილება, რაზედაც გაფორმდება შესაბამისი აქტი (იხ. ხელშეკრულების 9.1.15 პუნქტი). სამუშაოს შესრულების ვადაა 60 (სამოცი) კალენდარული დღე სამუშაოს დაწყებიდან.

6.3. მიმწოდებელი იღებს ვალდებულებას სამუშაოები შეასრულოს ეტაპობრივად. შენიშვნა: „ეტაპი“- იგულისხმება სამუშაოების შესრულების წარმოდგენა ქვემოთ მოცემული ეტაპების მიხედვით (სამუშაოების დაწყებიდან 60 (სამოცი) კალენდარული დღის ჩათვლით):

- I ეტაპი - სამუშაოების დაწყებიდან 30 (ოცდაათი) კალენდარული დღე. არანაკლებ სახელშეკრულებო ღირებულების 40%-ის სამუშაოების შესრულების წარმოდგენა;
- II ეტაპი - 30 (ოცდაათი) კალენდარული დღე. დარჩენილი სამუშაოების სრული შესრულების წარმოდგენა;

თუ კონკრეტული ეტაპის შესრულების დროს მიმწოდებლის მიერ შესრულებული სამუშაოების ღირებულება გადააჭარბებს ეტაპით გათვალისწინებული სამუშაოების ღირებულებას, აღნიშნული თანხა მიმწოდებელს ჩაეთვლება მომდევნო ეტაპით გათვალისწინებულ სამუშაოების შესრულებაში.

6.4. ეტაპების გეგმა-გრაფიკით გათვალისწინებული შესრულებული სარეკონსტრუქციო სამუშაოების მიღება-ჩაბარება:

6.4.1 მიმწოდებლის მიერ გეგმა-გრაფიკის ეტაპით გათვალისწინებული დასრულებული სამუშაოს დამადასტურებელი დოკუმენტები წარედგინება ტექნიკური ზედამხედველობის განმახორციელებელ ორგანიზაციას, ხოლო ასლი - შემსყიდველს, ელექტრონული სახით;

6.4.2. ტექნიკური ზედამხედველობის განმახორციელებელი ორგანიზაცია, არაუგვიანეს 5 (ხუთი) კალენდარული დღისა განიხილავს წარდგენილ დოკუმენტაციას და შესაბამისი ხელმოწერებითა და თანდართული ანგარიშით უბრუნებს სარეკონსტრუქციო სამუშაოების მიმწოდებელს, ხოლო შემსყიდველს წარუდგენს იმავე დოკუმენტებს ელექტრონული სახით;

6.4.3. მიმწოდებელი შემსყიდველს წარუდგენს ტექნიკური ზედამხედველის მიერ შესაბამისი წესით დადასტურებულ გეგმა-გრაფიკით გათვალისწინებული შესრულებული სამუშაოების დამადასტურებელ დოკუმენტაციას (ფორმა №2, ფარული სამუშაოების აქტები, ყოველდღიური სამუშაოების წარმოების ჟურნალი, ბეტონის (2 მ³ -ზე მეტი მოცულობის შემთხვევაში) სამუშაოების ლაბორატორიული გამოცდის დასკვნა/ოქმი და სხვა) და სამუშაოების შესრულების გეგმა-გრაფიკით გათვალისწინებულ ბოლო ეტაპზე, ასევე ელექტრონული ტენდერის ეტაპზე სატენდერო წინადადებით წარმოდგენილი საპროექტო-სახარჯთაღრიცხვო დოკუმენტაციასთან შესაბამისობაზე ექსპერტიზის დადებით დასკვნას, რომელიც გაცემული უნდა იყოს სსიპ - „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა უფლებამოსილი/აკრედიტირებული პირის მიერ (იმ შემთხვევაში, თუ დასკვნის გამცემი ორგანო არ იქნება სსიპ - „ლევან სამხარაულის სახელობის სასამართლო ექსპერტიზის ეროვნული ბიურო“, მიმწოდებელმა დამატებით უნდა წარმოადგინოს დასკვნის გამცემი პირის უფლებამოსილების/აკრედიტაციის დამადასტურებელი დოკუმენტის ასლი (უფლებამოსილების/აკრედიტაციის სფერო უნდა ფარავდეს მოთხოვნილ მომსახურებას));

6.4.4. ელექტრონული ტენდერის ეტაპზე სატენდერო წინადადებით წარმოდგენილი საპროექტო-სახარჯთაღრიცხვო დოკუმენტაციასთან შესაბამისობაზე ექსპერტიზის დადებით დასკვნა შემსყიდველს წარედგინება მხოლოდ სრულად დასრულებულ სარეკონსტრუქციო სამუშაოებზე.

6.4.5. მიმწოდებლის მიერ შესრულებულ სამუშაოებზე შედგენილი და შემსყიდველთან წარდგენილი დოკუმენტებისა და სამუშაოების შესრულების გეგმა-გრაფიკით გათვალისწინებულ ბოლო ეტაპზე, ასევე ექსპერტიზის დადებით დასკვნის საფუძველზე შემსყიდველსა და სარეკონსტრუქციო სამუშაოების მიმწოდებელს შორის ფორმდება საბოლოო მიღება-ჩაბარების აქტი და ანაზღაურების სერთიფიკატი - ფორმა №3.

6.4.6. მიმწოდებლის გეგმა-გრაფიკის ეტაპით განსაზღვრული სამუშაოს მიწოდების ვადად ჩაითვლება შესრულებული სამუშაოების დამადასტურებელი სრული დოკუმენტების ტექნიკური

ზედამხედველისთვის წარდგენის დღის ჩათვლით პერიოდი, რომელიც დასტურდება, როგორც ტექნიკური ზედამხედველის ანგარიშით, ასევე ტექნიკური ზედამხედველისთვის დოკუმენტების წარდგენის გამაცილებელ წერილზე მიმწოდებლის ელექტრონული ხელწერით.

6.4.7. მიმწოდებელი ვალდებულია ექსპერტიზის დადებითი დასკვნა წარმოადგინოს სარეკონსტრუქციო სამუშაოების სრულად დასრულებიდან არაუგვიანეს 5 (ხუთი) სამუშაო დღის ვადაში.

6.5. გამოყენებული მასალები შესაბამისობაში უნდა იყოს საპროექტო-სახარჯთაღრიცხვო დოკუმენტაციით განსაზღვრულ მოთხოვნებთან.

6.6. ტექნიკური ზედამხედველი ვალდებულია ოპერატიულად, წერილობითი სახით აცნობოს მიმწოდებელს სამუშაოთა მიმდინარეობის პროცესში შემოწმების შედეგად გამოვლენილი წუნდებული სამუშაოს მოცულობის, წუნდების მიზეზების და წუნდების გამოსწორების ვადების შესახებ.

6.7. სამუშაოს შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.8. შემსყიდველის მხრიდან სამუშაოების მიღება-ჩაბარებას განახორციელებს მინისტრის ბრძანებით განსაზღვრული ხელშეკრულების შესრულების კონტროლის განმახორციელებელი ჯგუფი.

7. გარანტია

7.1. მიმწოდებელი იძლევა გარანტიას, რომ სამუშაო განხორციელდება საქართველოში მოქმედი ყველა საჭირო სამშენებლო ნორმების, სტანდარტებისა და წესების შესაბამისად.

7.2. ხელშეკრულებით გათვალისწინებული სარწყავ არხზე განხორციელებული სარეკონსტრუქციო სამუშაოების საგარანტიო ვადა შეადგენს 3 (სამ) წელს.

7.3. საგარანტიო ვადის ათვლა იწყება საბოლოო მიღება-ჩაბარების აქტის შედგენიდან.

7.4. მიმწოდებელი პასუხს აგებს საგარანტიო ვადის განმავლობაში განმავლობაში ობიექტზე პროექტით გათვალისწინებულ სარწყავ არხზე განხორციელებული სარეკონსტრუქციო სამუშაოების ხარისხზე. თუ საგარანტიო ვადის განმავლობაში აღმოჩნდება ხარვეზი ან ნაკლი, მიმწოდებელი იღებს ვალდებულებას საკუთარი ხარჯით აღმოფხვრას ნებისმიერი ხარვეზი და ნაკლი შემსყიდველის წერილობითი შეტყობინებიდან არაუგვიანეს 30 (ოცდაათი) კალენდარული დღის ვადაში.

7.5. თუ მიმწოდებელი საგარანტიო ვადის განმავლობაში საკუთარი ხარჯებით ვერ უზრუნველყოფს ექსპლუატაციის პროცესში წარმოქმნილი ხარვეზების აღმოფხვრას, შემსყიდველი უფლებამოსილია იმოქმედოს მოქმედი კანონმდებლობის შესაბამისად.

8. ხელშეკრულების შესრულების კონტროლი

8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი.

8.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი ტექნიკური საშუალებებით და სხვა სამუშაო პირობებით.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8.4. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს მინისტრის ბრძანებით შექმნილი შესაბამისი კონტროლის განმახორციელებელი ჯგუფი.

9. მხარეთა უფლება-მოვალეობანი

9.1. მიმწოდებელი ვალდებულია:

9.1.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

9.1.2. წერილობით წარმოადგინოს შემსყიდველთან სამუშაოს შესრულების დამადასტურებელი დოკუმენტაცია ხელშეკრულების მე-6 პუნქტის შესაბამისად;

9.1.3. სამშენებლო ნორმების, სტანდარტებისა და წესების სრული დაცვით უზრუნველყოს სამუშაოთა მაღალი ხარისხით შესრულება და მათი დამთავრება ხელშეკრულებით განსაზღვრულ ვადებში;

9.1.4. სამუშაოები აწარმოოს ტექნიკური ზედამხედველის უშუალო ზედამხედველობის ქვეშ. მიმწოდებელი ვალდებულია წინასწარ წერილობით აცნობოს შემსყიდველს სამუშაოების დაწყების შესახებ. შემსყიდველს ასევე, წერილობით უნდა ეცნობოს სამუშაოების დასრულების შესახებ, არაუგვიანეს გეგმა-გრაფიკით და ხელშეკრულებით გათვალისწინებული სამუშაოების შესრულების ვადაში. სამუშაოების დასრულების შესახებ შეტყობინებას თან უნდა ახლდეს 6.4. ქვეპუნქტით გათვალისწინებული შესაბამისი დოკუმენტაცია;

9.1.5. აწარმოოს ყოველდღიური სამუშაოების ჟურნალი და ფარული სამუშაოების აქტები და წარუდგინოს შემსყიდველს და ტექნიკურ ზედამხედველს.

9.1.6. სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;

9.1.7. მიმწოდებელი პასუხისმგებელია სამუშაოს შესასრულებლად გამოყენებული მასალების, აღჭურვილობის და მანქანა-მექანიზმების უსაფრთხოებაზე. ხსენებული მასალების, აღჭურვილობის და მანქანა-მექანიზმების დაკარგვის ან გაუმართაობის შედეგად გამოწვეული რისკი ეკისრება მიმწოდებელს;

9.1.8. მიმწოდებელმა სამუშაოების განხორციელების განმავლობაში მათ მიღებამდე საქართველოში მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად;

9.1.9. მიმწოდებელი ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად;

9.1.10. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო ობიექტზე. საკუთარი ხარჯებით უზრუნველყოს გამოვლენილი ყველა ხარვეზის, დეფექტის ან ნაკლის აღმოფხვრა;

9.1.11. შემსყიდველს უმოკლეს ვადაში აცნობოს მისი ორგანიზაციის მოსალოდნელი რეორგანიზაციის ან ლიკვიდაციის შესახებ;

9.1.12. მიმწოდებელი პასუხისმგებელია სამუშაოს შესრულების პროცესში სამშენებლო მასალების გამოყენებაზე, თუკი მათ მოპოვებაზე კანონმდებლობით განსაზღვრულია სათანადო ლიცენზიის არსებობა;

9.1.13. სამუშაოების წარმოების პროცესში მიწისქვეშა კომუნიკაციების დაზიანების შემთხვევაში სრული პასუხისმგებლობა და დაზიანებით გამოწვეული ზარალის ანაზღაურება ეკისრება მიმწოდებელს;

9.1.14. ხელშეკრულებით გათვალისწინებული სამუშაოთა შესრულებისას იხელმძღვანელოს საპროექტო დოკუმენტაციის, ტექნიკური პირობების, სპეციფიკაციების, წინამდებარე ხელშეკრულების პირობებისა და საქართველოში მოქმედი ყველა საჭირო სამშენებლო ნორმების, სტანდარტებისა და წესების მოთხოვნების მიხედვით;

9.1.15. მიმწოდებელი ვალდებულია სამუშაოების დაწყების შესახებ წერილობითი შეტყობინების მიღებიდან არაუგვიანეს 5 (ხუთი) კალენდარულ დღეში შემსყიდველის წარმომადგენლის, სარეკონსტრუქციო სამუშაოებზე ტექნიკური ზედამხედველისა და საპროექტო-სახარჯთაღრიცხვო დოკუმენტაციის შემდგენი ორგანიზაციის წარმომადგენლებთან ერთად უზრუნველყოს სამელიორაციო არხის სარეკონსტრუქციო მონაკვეთებზე (ნატურაში) პიკეტების აღმნიშვნელი სამიჯნე ნიშნებისა და საინფორმაციო დაფის (მინიმუმ 2 ცალი საინფორმაციო დაფა (100სმ/80სმ), ელექტრონულ ტენდერში არსებული ესკიზის შესაბამისად) გაადგილება, რაზედაც გაფორმდება შესაბამისი აქტი;

9.1.16. სარეკონსტრუქციო სამუშაოების მიმწოდებელს სარწყავი არხების სარეკონსტრუქციო სამუშაოებისთვის საპროექტო სახარჯთაღრიცხვო დოკუმენტაციით განსაზღვრული მიწები გადაეცემა შემსყიდველის მიერ (რომლის შესყიდვაც სამინისტროს მიერ განხორციელდა NAT220008182 და NAT220001814 აუქციონის გარეშე ელექტრონული ტენდერების ფარგლებში) ქ. ბათუმის ტერიტორიაზე. შემსყიდველის მიერ სამშენებლო სამუშაოების მომწოდებლისთვის გადასაცემი ცალკეული მიწების ღირებულებ(ებ)ა წარმოდგენილია სატენდერო დოკუმენტაციის დანართი N5-ის სახით (იხ. დანართი N5- გადასაცემი მიწების ფასები). სამშენებლო სამუშაოების მიმწოდებელი იღებს ვალდებულებას

განახორციელოს აღნიშნული მიღების დასაწყობების ადგილიდან სატრანსპორტო საშუალებაზე დატვირთვა, ტრანსპორტირება და ჩამოტვირთვა დანიშნულების ადგილზე, რაზეც გაფორმდება შესაბამისი აქტი შემსყიდველის, სამშენებლო სამუშაოების მიმწოდებელსა და მიღების მომწოდებელს შორის, რის შემდგომაც სამშენებლო სამუშაოების მიმწოდებელზე გადადის სრული პასუხისმგებლობა მიღებთან დაკავშირებით სარეკონსტრუქციო სამუშაოების დასრულებამდე. მიმწოდებელი ვალდებულია შემსყიდველის მიერ გადაცემული წყლის მიღები გამოიყენოს საპროექტო-სახარჯთაღრიცხვო დოკუმენტაციის შესაბამისად;

9.1.17. მიმწოდებელი ვალდებულია ხელშეკრულების გაფორმებიდან არაუგვიანეს 10 (ათი) კალენდარული დღის ვადაში წარმოადგინოს წინამდებარე ტენდერის ფარგლებში მისთვის გადასაცემი მიღების ღირებულების (რომელიც მითითებულია სატენდერო დოკუმენტაციის დანართი N5-ში) იდენტური ოდენობის უპირობო და გამოუხმობი საბანკო გარანტია, გაცემული სსიპ - საქართველოს ეროვნული ბანკის ან სსიპ - საქართველოს დაზღვევის სახელმწიფო ზედამხედველობის სამსახურის მიერ ლიცენზირებული საბანკო დაწესებულების ან სადაზღვევო ორგანიზაციის მიერ. გარანტიის მოქმედების ვადა არანაკლებ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას (2022 წლის 31 დეკემბერს).

9.2. მიმწოდებელს უფლება აქვს:

9.2.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება.

9.3. შემსყიდველი ვალდებულია:

9.3.1 აწარმოოს ზედამხედველობა სამუშაოს მიმდინარეობაზე საამისოდ განსაზღვრული ტექნიკური ზედამხედველის საშუალებით, თანახმად მოქმედი სამშენებლო ნორმების, სტანდარტებისა და წესებისა, რომელთა დარღვევის შემთხვევაში იგი უფლებამოსილია შეაჩეროს სამუშაოები;

9.3.2. შეუფერხებლად აუნაზღაუროს მიმწოდებელს შესრულებული სამუშაოს ღირებულება ამ ხელშეკრულებით გათვალისწინებული ვადების შესაბამისად.

9.3.3. წერილობითი ფორმით დაუყოვნებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ;

9.3.4. სამშენებლო სამუშაოების მიმწოდებელს სარჩავი არხების სარეკონსტრუქციო სამუშაოებისთვის საპროექტო სახარჯთაღრიცხვო დოკუმენტაციით განსაზღვრული მიღები 9.1.17. პუნქტით განსაზღვრული პირობებით გადასცეს (რომლის შესყიდვაც სამინისტროს მიერ განხორციელდა NAT220008182 და NAT220001814 აუქციონის გარეშე ელექტრონული ტენდერების ფარგლებში) ქ. ბათუმის ტერიტორიაზე და გააფორმოს მიღების გადაცემაზე შესაბამისი აქტი შემსყიდველს, სამშენებლო სამუშაოების მიმწოდებელსა და მიღების მომწოდებელს შორის.

9.4. შემსყიდველს უფლება აქვს:

9.4.1. განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

9.4.2. ხელი მოაწეროს სამუშაოების მიღება-ჩაბარების (შესრულების) აქტებს;

9.4.3. ხელშეკრულების პირობების შეუსრულებლობის შემთხვევაში მიმწოდებლისა და ხელშეკრულების კონტროლის განმახორციელებელი ჯგუფის მონაწილეობით ფორმდება შესაბამისი აქტი, სადაც დეტალურად იქნება აღწერილი ხელშეკრულების შეუსრულებლობის მიზეზები. თუ მიმწოდებლის წარმომადგენელი უარს აცხადებს აღნიშნული აქტის შედგენაში მონაწილეობაზე, ხსენებული ფიქსირდება ამავე აქტში და იგი იწვევს იმავე სამართლებრივ შედეგებს, რასაც გამოიწვევდა მიმწოდებლის წარმომადგენლის მონაწილეობით შედგენილი აქტი. სამუშაოების უხარისხოდ შესრულების შემთხვევაში მიმწოდებელი ვალდებულია თავისი სახსრებით უზრუნველყოს წუნის აღმოფხვრა დაუყოვნებლივ.

9.4.4. უხარისხოდ შესრულებული სამუშაოების დაფიქსირება ხდება ტექნიკური ზედამხედველის მიერ შედგენილ შესაბამისი აქტის საფუძველზე, რის შემდეგაც მიმწოდებელს არ უნაზღაურდება დეფექტებით შესრულებული სამუშაოთა ღირებულება.

9.4.5. იმ შემთხვევაში, თუ მიმწოდებლის მხრიდან შესრულებულ სამუშაოთა წარმოდგენილი მოცულობები, ექსპერტიზის მიერ გაცემული დასკვნით არ შეესაბამება რეალობას, შემსყიდველი არ უნაზღაურებს მას აღნიშნულ სამუშაოთა ღირებულებას.

9.5. ტექნიკური ზედამხედველი და შემსყიდველი (მინისტრის ბრძანებით განსაზღვრული ხელშეკრულების შესრულების კონტროლის განმახორციელებელი ჯგუფი) ვალდებული არიან მიმწოდებელთან ერთად აწარმოონ სამუშაოების შესრულებაზე ხელშეკრულებით გათვალისწინებული ვადების მიმდინარეობის კონტროლი.

10. ხელშეკრულების პირობების შეუსრულებლობა

10.1. თუ მიმწოდებლის მიერ დარღვეული იქნა სამუშაოთა გეგმა-გრაფიკით გათვალისწინებული სამშენებლო სამუშაოს მიწოდების და ხელშეკრულების 6.4.7 ქვეპუნქტით გათვალისწინებული ვადები, მაშინ მას ეკისრება:

10.1.1. პირგასამტეხლოს გადახდა შესაბამისი გეგმა-გრაფიკის ეტაპ(ებ)ით გათვალისწინებული შესასრულებელი სამშენებლო სამუშაოს ღირებულების 0,1 %-ის ოდენობით ყოველ ვადაგადაცილებულ დღეზე;

10.1.2. იმ შემთხვევაში თუ გეგმა-გრაფიკის ეტაპ(ებ)ით გათვალისწინებული შესასრულებელი სამუშაოს ვადა გადაცდება 15 კალენდარულ დღეს მიმწოდებელს ერთჯერადად ეკისრება პირგასამტეხლო შესაბამისი ეტაპით გათვალისწინებული შესასრულებელი ვალდებულების 2 %-ის ოდენობით და განიხილება ხელშეკრულების ცალმხრივად შეწყვეტის მიზანშეწონილობის საკითხი.

10.2. ხელშეკრულების 10.1., 10.6., 10.7., 10.8., 10.9. და 10.10 ქვეპუნქტებით გათვალისწინებული პირგასამტეხლოების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.3. სახელმწიფო შესყიდვის შესახებ ხელშეკრულების პირობების მიმწოდებლის მიერ შეუსრულებლობის გამო, შემსყიდველის მიერ ხელშეკრულების ცალმხრივად შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 5 (ხუთი) %-ის ოდენობით.

10.4. მიმწოდებელი ვალდებულია წინამდებარე ხელშეკრულების ცალმხრივად შეწყვეტის შემთხვევაში დარიცხული პირგასამტეხლოს თანხა პირგასამტეხლოს დარიცხვის შესახებ შეტყობინების მიღებიდან 7 (შვიდი) კალენდარული დღის ვადაში ჩარიცხოს შეტყობინებაში მითითებულ ბიუჯეტის შესაბამის ანგარიშზე და წარუდგინოს შემსყიდველს აღნიშნულის დამადასტურებელი დოკუმენტი (საგადახდო დავალების დედანი ან ბანკის მიერ დამოწმებული ასლი).

10.5. შემსყიდველის თანხმობის გარეშე ქვეკონტრაქტორის აყვანის შემთხვევაში, შემსყიდველი უფლებამოსილია მიმწოდებელს დააკისროს ჯარიმის სახით პირგასამტეხლო სახელშეკრულებო თანხის 1%-ის ოდენობით. შემსყიდველი უფლებამოსილია ასევე მიმწოდებელს ცალმხრივად შეუწყვიტოს ხელშეკრულება. წინამდებარე ქვეპუნქტით გათვალისწინებული პირობა გავრცელდება მთელი საგარანტიო პერიოდის განმავლობაში (სამუშაოს საბოლოო მიღება-ჩაბარებიდან 3 წელი).

10.6. ხელშეკრულების 9.1.17 ქვეპუნქტით გათვალისწინებული ვადის დარღვევის შემთხვევაში მიმწოდებელს დაეკისრება პირგასამტეხლო ხელშეკრულების ჯამური ღირებულების 0,2 %-ის ოდენობით ყოველ ვადაგადაცილებულ დღეზე.

10.7. შემსყიდველის ან ტექნიკური ზედამხედველობის განმახორციელებელი პირისათვის სარეკონსტრუქციო ობიექტზე სამუშაოების წარმოების ჟურნალის წარუდგენლობა ან/და ჟურნალის არასათანადოდ წარმოება გამოიწვევს ყოველ გამოვლენილ შემთხვევაზე ერთჯერად ჯარიმას, სახელშეკრულებო ღირებულების 0,2% -ის ოდენობით.

10.8. მიმწოდებლის მიერ სამუშაოების დაწყების დღისათვის სამელიორაციო არხის სარეკონსტრუქციო მონაკვეთებზე (ნატურაში) პიკეტების აღმნიშვნელი სამიჯნე ნიშნების და საინფორმაციო დაფის განთავსების ვალდებულების მისი მიზეზით დაგვიანებით შესრულება გამოიწვევს მიმწოდებლის დაჯარიმებას სახელშეკრულებო ღირებულების 0,1%-ის ოდენობით ყოველ ვადაგადაცილებულ დღეზე.

10.9. იმ შემთხვევაში შემსყიდველის წერილობითი შეტყობინებიდან არაუმეტეს 5 (ხუთი) კალენდარული დღის განმავლობაში მიმწოდებელი არ დაიწყებს სამუშაოებს, მიმწოდებელს დაეკისრება

პირგასამტეხლო ხელშეკრულების ჯამური ღირებულების 0,02 %-ის ოდენობით ყოველ ვადაგადაცილებულ დღეზე.

10.10. ხელშეკრულების 7.4. ქვეპუნქტით გათვალისწინებული ვადის დარღვევის შემთხვევაში მიმწოდებელს დაეკისრება პირგასამტეხლო ხელშეკრულების ჯამური ღირებულების 0,2 %-ის ოდენობით ყოველ ვადაგადაცილებულ დღეზე.

10.11. ანგარიშსწორების ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, დროულად გადაუხდელი თანხის 0.02% ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.

11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის ფასის შეცვლა, დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა განხორციელდება საქართველოს კანონმდებლობით დადგენილი წესით.

11.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11.5. იმ შემთხვევაში თუ ხელშეკრულებით გათვალისწინებული ვალდებულების დარღვევისათვის ხელშეკრულების 10.1.1. ქვეპუნქტის საფუძველზე მიმწოდებლისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 2,5 %-ს, შემსყიდველს უფლება აქვს ცალმხრივად შეწყვიტოს ხელშეკრულება.

11.6. იმ შემთხვევაში თუ მიმწოდებლის მიერ არ იქნება შესრულებული 9.1.15 და 9.1.16 პუნქტებით ნაკისრი ვალდებულებები შემსყიდველს უფლება აქვს ცალმხრივად შეწყვიტოს ხელშეკრულება.

11.7. იმ შემთხვევაში თუ ხელშეკრულების 10.7. ქვეპუნქტის საფუძველზე მიმწოდებლისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 2 %-ს, შემსყიდველს უფლება აქვს ცალმხრივად შეწყვიტოს ხელშეკრულება.

12. ხელშეკრულების შეწყვეტა მისი პირობების შეუსრულებლობის გამო

12.1. შემსყიდველს შეუძლია ვალდებულებების მთლიანი ან ნაწილობრივი შეუსრულებლობისთვის შეწყვიტოს ხელშეკრულება, მიმწოდებლისთვის ვალდებულებების შეუსრულებლობის შესახებ წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს ხელშეკრულებით გათვალისწინებული სამშენებლო სამუშაო;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2. შემსყიდველი უფლებამოსილია ხელშეკრულება ცალმხრივად შეწყვიტოს მიმწოდებლის მიერ 10.1.2. ქვეპუნქტით განსაზღვრული ვადის გასვლის შემდეგ (15 კალენდარული დღე), ამ შემთხვევაში მიმწოდებელს ეკისრება როგორც 10.1.2. ქვეპუნქტით გათვალისწინებული პირგასამტეხლო (ჯარიმა), ასევე წინამდებარე ხელშეკრულების 10.4. ქვეპუნქტით გათვალისწინებული პირგასამტეხლო.

12.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზის გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) თუ მისთვის ცნობილი გახდა, რომ მიმწოდებლის საკვალიფიკაციო მონაცემების დამადასტურებელი

დოკუმენტები ყალბი აღმოჩნდა;

გ) საქართველოს კანონმდებლობით გათვალისწინებულ სხვა შემთხვევებში.

13. დაუძლეველი ძალა

13.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველი ძალის გარემოების შედეგი.

13.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3. დაუძლეველი ძალის დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი ძალის ზეგავლენისაგან.

14. ქვეკონტრაქტორები

14.1. მიმწოდებელს არ აქვს უფლება გადასცეს ქვეკონტრაქტორს თავისი უფლებები და მოვალეობები, შემსყიდველის წერილობითი თანხმობის გარეშე. შემსყიდველის თანხმობის გარეშე ქვეკონტრაქტორის აყვანის შემთხვევაში, ვრცელდება 10.5. ქვეპუნქტით გათვალისწინებული პირობა.

14.2. ამ ხელშეკრულების ფარგლებში დადებული ყველა ქვეკონტრაქტის ასლი უნდა წარედგინოს შემსყიდველს.

14.3. მიმწოდებლის მიერ ტენდერის ეტაპზე წარმოდგენილი ქვეკონტრაქტორის შეცვლა, ან დამატებითი ქვეკონტრაქტორის აყვანა დაუშვებელია.

14.4. სამუშაოების ნაწილის ქვეკონტრაქტორზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებიდან.

14.5. მიმწოდებელი უფლებამოსილია ქვეკონტრაქტორს გადასცეს ხელშეკრულებით გათვალისწინებული სამუშაოების ღირებულების არაუმეტეს 40%-ისა.

15. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

16. გადასახადები და დაბეგვრა

16.1. უცხოელი მიმწოდებელი პასუხს აგებს საქართველოს კანონმდებლობით ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

16.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

17. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოში მოქმედი კანონმდებლობის შესაბამისად.

18. ხელშეკრულების მოქმედების ვადა

ხელშეკრულება ძალაში შედის ხელშეკრულების მხარეთა მიერ კვალიფიციური ელექტრონული ხელმოწერით ან/და კვალიფიციური ელექტრონული შტამპით დამოწმების თარიღიდან და მოქმედებს 2022 წლის 31 დეკემბრის ჩათვლით, ხოლო ხელშეკრულების მე-7, 10.5. და 10.10. პუნქტით განსაზღვრულ ურთიერთობებზე ხელშეკრულება მოქმედებს შესაბამისი ვალდებულების შესრულების ვადით.

19. სხვა პირობები

19.1 ხელშეკრულებაზე შესრულებულია კვალიფიციური ელექტრონული ხელმოწერა ან/და დასმულია კვალიფიციური ელექტრონული შტამპი, კანონმდებლობით დადგენილი წესის შესაბამისად.

19.2 შემსყიდველის მხრიდან ხელშეკრულებაზე ხელმოწერი პირი „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად წინამდებარე ხელშეკრულებაზე ხელმოწერით ადასტურებს, რომ მისი მონაწილეობა ხელშეკრულებით გათვალისწინებულ შესყიდვის პროცედურაში არ იწვევს ინტერესთა კონფლიქტს.

19.3. მიმწოდებელი ვალდებულია ხელშეკრულებით განსაზღვრულ რეკვიზიტებში ცვლილების განხორციელების შემთხვევაში აღნიშნულის შესახებ აცნობოს შემსყიდველს.

20. მხარეთა დასახელება და რეკვიზიტები

„შემსყიდველი“

აჭარის ავტონომიური რესპუბლიკის
სოფლის მეურნეობის სამინისტრო
მის: ქ. ბათუმი, აკ. მ. კომახიძის ქ. N 119
საიდენტიფიკაციო კოდი: 245428265

„მიმწოდებელი“

